

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Atlas minor Gerardi Mercatoris

Mercator, Gerhard

Amsterodami, 1610

Cuba, Hispaniola, Iamaica, S, Ioannis, Margarita, insulae

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

CVBA.

Regio.

Situs.

Cæli qualitas.

Soli fertilitas.

Animalium va-
rietas.


Flumina.

Montes.

Mores.

SUCCEDUNT nunc Insulæ, *Cuba, Hispaniola, Iamaica, S. Ioannis, Margarita*, in nostra Methodo explicandæ. *Cuba* Insula sic ab Incolis dicta, etiã *Fernandina & Ioanna* ab Hispanis vocata: item *Alpha & O*, si Petro Martyri credimus. Ea ad Occidentem Mari fecernitur a lucatana, ad Ortum Fretò ab Hispaniola, ad Austrum est Iamaica. Ejus Longitudo ab Ortù in Occasum extenditur ad ccc milliar. aut potius leucas Hispanicis: xv, & alicubi xx habet in Latitudine. Eam mediam secat Tropicus Cancrì. Qui Cubam videre, Salicis folio afsimilant, eo quod longior quam lata sit. Regio est admodum temperata, quibusdam tamen temporibus frigidior: estque fertilissima Auri sed non puri, & optimi Æris ditissima. Magnam profert Rubiæ tinctorum copiam. Saccari item ingentem vim: Frumenta, Fruges ac Fructus varios, atque Herbas. Gignit insuper Calsiam fistulam, Zingiber, Maltichen, Lignum Aloes, & Cinnamomum. Serpentes, quorum hic ingentium copia, in delitiis fuisse memorantur, Nemora Porcos & Boves maxima abundantia nutriunt. Sex Urbibus habitatur, quarum præcipuæ *S. Iacobi & Havana*: illa exstructa a Iacobo Velasco, sedes est Episcopalis: Hæc totius Insulæ Emporium & Navale: ad hanc solet classis Regia tandiu subsistere, donec & anni tempus, & venti commodam navigationem trajectumque in Hispaniam polliceantur. Nunc in ea trirèmes aliquot sunt quæ oram omnem contra hostes tueantur. Multos habet hæc Insula auriferos fl. quorum aquæ dulces & potui aptæ sunt. Dulcia & salsa Stagna frequentia, unde hic quoque Salis copia. Regio aspera, excelsa & montosa. Montesque affatim Auri præbent secturis generosis. Estque in eadem Insula non procul a Mari mons, è quo Bitumen fluit aptum navibus stipandis. Aliam rem admiratione dignam in hac Insula describit Gonzalus Overanus: Vallem quandam inter duos Montes ad duo aut tria milliaria Hispanica deductam, (Campum Lapideum veteres, uti in Narbonensi Gallia hunc vocassent) quæ Lapideos Globos producit tanto numero, ut quis multas inde naves onerare possit, atque a Natura adeo ad sphericam formam rotundos factos, ut nihil circino possit ab Artifice fieri rotundius. Ipsa gens naturæ benignitate contenta, neq; meum neque tuum, aut exitialem pecuniam noverat, sed omnia in communi possidebat, sicuti Solem & Aquam natura ex æquo omnibus largitur: apertis itaque vivebant hortis, & sine Legibus suapte natura rectum colebant. Nudi fere incedebant, raro tuniculis quibusdam bombycinis induti. In Nuptiis mirum ritum observabant: Sponsus enim prima nocte cum Sponsa non concumbebat, sed si Dominus esset, Domini vicem ejus supplebant: si Mercator, Mercatores: si denique Rusticus, Domini vel Mercatores.

Ob



Ob levissimā causam Viri uxores repudiabant. Sed mulieres ob nullam Viros dimittere poterāt: Viri admodum libidinosi erant & obsceni. Hispani quidem populi frequentia excultam invenerunt, at nunc pene a solis habitatur Hispanis, quod Indigenæ partim fame, & laboribus, partim lue venerea interierint, ac potissimam Incolarum partem in Hispaniam Novam, postquam a Cortesio subjugata esset traduxerint, ut jam vi x Indorum ullus, aut ullæ ipforum reliquæ supersint.

Hispaniola.

Regio.
Nomina.
Situs.

Cœli qualitas.
Soli fertilitas.

Animalium va-
rietas.

Urbium nomina
Flumina.
Lacus.

HANC Insulam Incolæ *Haity* & *Quisqueia* quondam vocaverunt, *Cipangi* quoque nomen postea tulit. Hispani a se *Spaniolam* sive *Hispaniolam* & a *Dominico S. Domingo*, sive *Dominici* Insulam; cujus etiam honori urbem extruxerunt, quæ omnium est præcipua. Hujus Insulæ ambitus CXCXXX milliari-um, seu CCCL leucar. Longitudo LXX miliar. Latitudo pro Sinuum & Promonteriorum ratione varia. Hanc P. Martyr reliquarum omnium Insularum genitricem vocat. Medium Insulæ ab Æquatore distat gradibus pene XX . Versus Boream forma oblonga est, panditur enim ab Ortum in Occasum. Aere fruitur temperato, unde Arborea ut plurimum perpetuo virent: estque præ cæteris omnibus amœna & fertilis. Sacchari cannas aiunt hic altiores crassioresque esse, quam usquam alibi. Fertilitatis indicium hoc est, quod Triticum satum centuplum reddat. Valentia in Hispania ex unica canna vix septem phialæ implentur: in Hispaniola viginti, sæpe etiam triginta. Gignit præterea hæc regio Cassiam fistulam, Zingiber, Mastichen, Lignum Aloës, & Cinnamomum: Salis etiam uberem proventum habet. Auri & Argenti Fodinæ sunt divites: est & aliorum fossilium non parva quantitas, præcipue vero coloris cærulei. Ante Hispanorum adventum tria tantum hic erant Quadrupedum genera, nunc importatis aliunde animantibus ita repleta est, ut ex ea pellium & coriorum magna vis quotannis in Hispaniam exportetur. Vrbes hujus Insulæ multæ sunt: præcipua est *S. Dominici* ad ostium fl. *Ozama*, sede Episcopi & Vicarii Regii incluta. Sunt & Vrbes minores, *S. Joannis*, *Meguma*, *Portus Plate*, *Portus Regius*, *Canana*, *Xaragua*, alique. Sunt etiam in hac Insula Fluvii complures, Lacus ac Fontes admodum piscosi. Præcipuam tamen & amœnitatem & commoditatem Incolis præstant I v ingentia Flumina, quæ in ipso Insulæ umbilico, delapsa ex altissimorum montium jugis, in diversissimas Mundi partes abeunt: *Juna* ad Orientem ad Occidentem decurrit *Attibunicus*, *Jacchus* Septentrionalibus, *Nabius* Meridionalibus aquis miscetur, sic ut quadripartito Insula dividatur. Est præterea in *Bainoa* ingens Lacus, Indi *Hogmagabon*, nostri Mare Caspium vocant, is infinitis undique fluviis auctus, nusquam tamen excurrit aut exoneratur, sed cuniculo absorbetur: haud vanis conjecturis creditur rupes hæc spongiosas, per subterraneos meatus Maris aquam recipere, quod ibidem multitudo marinorum Piscium inveniatur, & aqua maris salugine infecta tota muriatica fit. Alii insuper quantumvis minores in hac insula sunt salsi Lacus. Ultra supradictos Lacus, ingens etiam Fluvius in Mare salsus decurrit, quantumvis dulcis aquæ infinitis rivulis fontibusque auctus.

IAMICA,

IAMAICA.

861

IAMAICA, quam nunc *S. Jacobi* Insulam nuncupant, ad Orientem Hispaniolæ. xxv ab ea Leucarum intervallo discreta, xvi gradibus ab Æquinoctiali limite distat. Ad Septentrionem Cubæ vicina est. Qua Meridies *S. Bernardi* Insulas, & Carthagenam respicit: qua Occidens *Lucatanas Terras* seu *Fonduram*. Ambitus ejus 100 miliarum. Regio grata Aëris salubritate & temperie gaudet: atque ita fertilis est, ut soli fecunditate cum quavis alia cettare possit. Habet Auri Metalla: *Saccari* & *Goffypii* magnum proventum. Nec non Animalium diverforum copiam. Frequens olim cultoribus erat, nunc Incolis aut ferro aut mortalitate absumtis, rarius culta, duabus tantum Civitatibus habitatur: quarum primaria *Sevilla* sive *Hispalis*, in qua ecclesia principalis cum Abbatia, ubi Primatum gessit *Petrus Martyr* Anglerius *Mediolanensis*, Vir in tractandis rebus Indicis diligens. Altera *Oristan*. Fluvii hic multi & Lacus piscosi. Gens *Lege*, *Ritu*, *Moribusq;* in nullo ab Hispaniolensibus *Cubensibusque* discrepat, tantum ferociore fuisse memorantur.

Insula.
Situs.
Cœli temperies.
Soli fertilitas.
Animalium varietas.
Urbes.
Flumina.
Lacus.
Mores.

Insula S. Ioannis.

INSULA *S. Joannis*, vulgo a Portu divite cognominata, prius *Borichena* vel *Borica* dicta, habet ab Ortum Insulam *S. Crucis*, Insulasque exiguas plures. Ab Occidente & Borea *Inf. S. Dominici*: a Meridie Promontorium *Pariz*, a quo cxxxvi miliar. abest. Insula in longitudine porrigitur ad l. pene mill. in latum patet *XII* aut *XVII*: maxima latitudo *XVII* pene mill. Germanica complectitur, Affluit *Frugibus*, *Fructibus*, *Soli fertilitas*. Animalibus, ac *Auro*. Dividitur autem hæc Insula in duas partes, nempe *Borealem* & *Australem*. *Borealis* quidem *Auro* abundat plurimo: *Australis* *Frugum*, *Fructuum*, *Aviumque* feracissima. Est nunc in ea urbs præcipua *S. Joannis* optimo gaudens Portu. Fluvii hic sunt aliquot, inter quos *Cairabonus* fluviorum maximus, ad Septentrionem decurrit, cumque omnes aureis glareis arenisque fluant. Septentrionale tamen latus, uti supra quoque a nobis dictum est, generosioribus *Fodinis* commedatur. Meridiana pars portuosior, frugibusque beatior, *Maizium* cæteraque necessaria vitæ producit.

Insula.
Nomina.
Situs.
Soli fertilitas.
Urbs S. Joannis.
Flumina.

Margarita.

MARGARITÆ Insula vel *Margaritarum*, alio nomine *Cubagua* dicitur, x millia in circuitu patet, decem gradibus & dimidio ab Æquinoctiali linea distans: omni sui parte plana, sterilis: nuda arboribus, aquæ expers. Itaque tanta plerumque humoris inopia est, quum propter contrarios ventos nihil è *Cumana* subvehatur, ut sæpenumero cadus *Vini* pari *Aquæ* cado permutetur. *Cuniculis*, *Sale* & *Piscibus* abundat. Imprimis vero *Vnionum* copia nobilis est. *Incolæ* colore fusco sunt, raro capillitio, & velut imberbes, feri, crudelēs. Vescuntur *Ostreis* è quibus *Margaritæ* sumuntur.

Insula.
Situs.
Soli qualitas.
Mores.

O o o o iij

Sequitur